

**Oferta "Solidaritátsfonds":** giulan dl'offerta de 233,66 € che é jüs ite l'ultima domènia.

**Aziun da Pasca "Na rōsa pur la vita":** i un podü mené inant ala Kreshilfe na bela oferta de € 1.362,00. N bel giulan a düc da pert dla Uniun dles Èles.

**8‰ por la Dilijia Catolica:** cun na firma sön osta "denuncia dei redditi" o sön le mod. CU podèise destiné l'8‰ ala Dilijia Catolica. Implö podèise sostení cun le 5‰ val'atra organisaziun catolica o sozjala.

**Racoiüda sac dla Caritas:** al vègn lascé alsavèi che chësc ann, y plö avisa ai 11 de novèmbler 2023, vègnel indò coiü adüm quant adoré.

**Le KVV de Badia** organisèia te biblioteca a Pedraces n curs de ingleje "Elementare/Super - A2" che mët man ai 25 de aurí por 10 iadi ( dui iadi al'edema ) cun la prof. Lalena Stull. Por informaziuns y prenotaziun cherdé Cristina al nr. 333 1591599.


**I jun a pe cun le KVV:** düc é inviá en mercui, ai 26 de aurí da gní ala gita da Eppan – Schl. Boymont – Schl. Hocheppan – Andrian. I piun ia dales 07:30 da Pedraces cun la coriera. Sciöch dagnara prenotesse pro laco al nr. 339 6257779 o 338 2119002.

**La bibiloteca Sas dla Crusc** invièia en vëndres, ai 28 de aurí dales 15:00 mitans y mituns dla scora elementara te biblioteca a La Ila a n domisdé cun stories, jüc y pastelné.

**La Crusc Blanca chir joqn y jones por le sorvisc zivil ( Zivildiener):** por informaziuns telefoné o WhtasApp al nr. 0471 444382 (orar de ufize) o ince da ciafé sön la plata Web [www.werde-zivi.jetzt](http://www.werde-zivi.jetzt).

### **HERR BLEIBE BEI UNS**

*Als Weggefährte, der uns führt;  
als Wort, das uns ermutigt und tröstet;  
als Brot, das uns stärkt;  
als Freude, die uns zu anderen trägt.*



# Plata dla Ploania Badia

San Iaco - San Linert


Ploian: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)

Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „A“ 23.04. – 30.04.2023 3° Domènia de Pasca n. 22



*Canche i dui discepui é  
sön tru da jí a Emmaus  
ti el jü pomez Gejú  
y é jü impara.  
Mo ai n'é nia bognd da le  
conèsce.*

### Vangele dla proscima Domènia - 4ª de Pasca "A"

Gv 10,1-10

Te chël tèmپ á Gejú dit: Amen, amen, i ves diji: Chël che va te tamá nia da üsc ite, mo da n'atra pert ite, chël é n lere y n loter. Chël che va indere da üsc ite é le famèi dles bisces. Le portiná ti deura y les bisces ascuta süa usc; al chërda les bisces che é sües, vignöna por so inom y les condüj fora. Do ch'al á paré fora dotes sües bisces, ti val danfora, y les bisces ti vá do; deache ares conèsc süa usc. A n forest ne ti jaráres nia do, mo ares sciampará da d'èl, ciodiche ares ne conèsc nia la usc dl forest. Gejú ti á cunté chësta parabola; mo ai ne capí nia le significat de ci ch'al ti á dit. Gejú ti á dit inant: Amen, amen, i ves diji: lö sun l'üsc da i jí pomez ales bisces. Düc chi che é gnüs dan me è leri y lotri; mo les bisces ne i á nia ascuté sö. lö sun l'üsc; chël che passa da me ite gnará salvé; al jará ite y fora y ciafará pastöra. Le lere vègn ma a d'arobé, a copé y a desfá; iö sun gnü, por che ares ais la vita y che ares l'ais en abundanza.

# FUNZIUNS SACRES

## 23.04. 3<sup>a</sup> DOMÈNIA de PASCA / Kassiansonntag

10.00 **Mëssa por la Comunità**  
†ta Maria Alfreider Burchia - aniversar  
†to Ilario Valentin  
†ti Tone y Sabina Campej  
por fam. de Rita Adang Valentin

**14.30** *Zelebrazion dl Bato*

18.00 †ti Thaler  
†ti Alfreider y Winkler  
por fam. Carolina Winkler Alfreider

## 25.04. Mertesc - S. Merch Evangelist

**07.00** *Prozesciun te paisc y Santa Mëssa*  
†to Rudl Valentini  
†ta Emilia Feichter Pitscheider  
†ta Maria Tavella Dapunt

## 26.04. Mercui - Mëssa cun i scolars

07.25 †tes Albina y suor Luciane Pizzinini  
por fam. Irmgard Winkler  
por les animes dl purgatore

## 28.04. Vëndres

07.30 †ta Dora Boschetti – aniversar  
†ta Kathi Canins  
†ta Crescenza Bertuolo

## 29.04. Sabeda

16.00 Mëssa a Oies


## 30.04. 4<sup>a</sup> DOMÈNIA de PASCA / Domènia dles Vocaziuns

10.00 **Mëssa por la Comunità**  
†ti Felice y Maria Flatscher  
vis y †ti Moling  
por fam. de Iaco y Giuvana Clement

**14.00** *Prozesciun sò Oies por perié do vocaziuns*

18.00 †to Carlo Alfreider - aniversar  
†ti Bergmeister / Crepaz  
en onur de S. Carlo Acutis y Angeli Custodi

# Dala VITA dla CÜRA



Chësta domènia, ai 23.04.2023 ciafa le Sacramënt dl BATO  
**Miriam de Moritz Irsara y Karin Costa**  
**Benjamin de Samuel Valentin y Giuliana Clara.**  
Ai pici che i tolun sò te nosta comunité cristiana y a sù  
geniturs les mius audanzas.

## Les proscimes Zelebrazions dl Bato

Domènia, ai 14 de ma a La Ila  
Domènia, ai 21 de ma a La Val  
Domènia, ai 4 de jügn a Badia

**Preparaziun al BATO:** geniturs che á na picera müta o n pic müt da  
batié, pèrs che aspeta, toc y totes de nosc Decanat é inviá ai 6 de ma  
dales 15.00 a Al Plan te salf de calonia. Prenotaziuns al nr. 328 0717796.

**Preparaziun ala Crejima:** al sará na sëra d'informaziun cun Markus  
Felderer, direttur dl ofize por la catechesa, en vëndres ai 28 de aurí dales  
20:00 te Ciasa Runcher. I jogn y les jones che complësc 16 agn cina  
Pasca de Ma 2025 é inviá cun geniturs. toc y totes.

**“Umes präia deboriada”:** chësc grup se abina en mercui, ai 26 de aurí  
dales 20:00 te dlijia olache düc é inviá da gní a perié adüm.

**Legio Mariae:** düc é inviá en jöbia, ai 27 de aurí dales 14:00 te dlijia por  
n'ora de oraziun.

**Prozesciun a Oies:** por perié do vocaziuns tolunse düc pert ala  
prozesciun en domènia, ai 30 de aurí dales 14:00 da S. Linert demez.

**Iade a Roma** dai 2 ai 5 d'otober cun le vësko Ivo Muser por i 20 agn de  
canonisaziun de sant Ojöp da Oies. Da se prenoté pro le Pilgerbüro al nr.  
0471 306222 o por mail a [www.bz-bx.net/pilgerbuero](http://www.bz-bx.net/pilgerbuero).

**Invit ales “Rites” da ji a Weißenstein:** le lünesc, ai 22 de ma 2023, De  
de Santa Rita. Al sará na santa mëssa y dedò la marëna. Präibel se  
prenoté pro Rita Verginer da San Martin al nr. 335/1019128 cina la  
domènia ai 14.05.2023.